



Reykjavík 12.01.2022

Borgarráð Reykjavíkur  
Tjarnargötu 11  
101 Reykjavík

Hér með sendist útskrift úr gerðabók skipulags- og samgönguráðs frá 12. janúar 2022 varðandi eftirfarandi mál.

### **Húsverndarsjóður Reykjavíkur 2022**

Lögð fram drög að yfirliti verkefnis og hlutverks vinnuhóps um yfirferð umsókna til Húsverndarsjóðs Reykjavíkurborgar 2022. Þar kemur fram að Sigrún Reynisdóttir frá embætti byggingarfulltrúa, Sólveig Sigurðardóttir frá embætti skipulagsfulltrúa og Alma Sigurðardóttir frá embætti borgarminjavavarðar skipi vinnuhópinn auk tveggja fulltrúa skipulags- og samgönguráðs. Lagt er til að skipulags- og samgönguráð skipi two fulltrúa í hópinn.

*Samþykkt.*

*Vísað til borgarráðs.*

*Fulltrúar skipulags- og samgönguráðs í vinnuhóp eru Dóra Björt Guðjónsdóttir og Örn Þórðarson.*

*Áheyrnarfulltrúi Flokks fólksins leggur fram svohljóðandi bókun:*

*Styrkveitingar eru vandasamar og mikilvægt er að hópurinn sé vel skipaður. Þarna eru taldir upp þrír embættismenn og ættu kjörnir fulltrúar að vera allavega fjórir.*

*Sólveig Sigurðardóttir verkefnastjóri tekur sæti á fundinum undir þessum lið með fjarfundarbúnaði.*

F.h. umhverfis- og skipulagssviðs

---

Glóey Helgudóttir Finnsdóttir

Fylgiskjal: Drög dags. 5. janúar 2022.

# Húsverndarsjóður Reykjavíkur 2022

## Yfirlit verkefnis og hlutverk vinnuhóps um yfirferð umsókna

### 1. Verkefni

Vinnuhópnum er falið að gera tillögu til skipulags- og samgönguráðs um styrkveitingu úr Húsverndarsjóði Reykjavíkur. Til ráðstöfunar árið 2022 eru 7.000.000 kr.

### 2. Ábyrgðarmaður

Ábyrgðarmaður verkefnisins er formaður skipulags- og samgönguráðs.

### 3. Tilgangur

Að tillögur um styrkveitingar úr Húsverndarsjóði Reykjavíkur séu unnar í samræmi við gildandi *Reglur fyrir Húsverndarsjóð Reykjavíkur* ásamt síðari breytingum, og rökstuddar samkvæmt þeim.

### 4. Starf

Vinnuhópurinn skal starfa skv. gildandi *Reglum fyrir Húsverndarsjóð Reykjavíkur* og fylgja í hvívetna settum verkferlum vegna styrkveitinga. Vinnuhópurinn setur sér vinnureglur sem hann skal kynna fyrir skipulagsfulltrúa við upphaf vinnu sinnar. Við starf sitt skal hópurinn halda fundargerðir í samræmi við gegnsæja stjórnsýslu. Hópurinn ber ábyrgð á að gögn vegna umsókna, styrkveitinga og athugasemdir við þær ásamt fundargerðum séu vistaðar í skjalavinnslukerfi. Hópurinn skal hafa samráð við önnur svið borgarinnar eftir því sem þörf krefur.

### 5. Tímafrestur og skil

Vinnuhópurinn tekur til starfa þegar umsóknarfrestur um styrki rennur út ár hvert og skila tillögum til skipulags- og samgönguráðs ekki seinna en fimm vikum síðar. Vinnuhópurinn lýkur störfum þegar skipulags- og samgönguráð/borgarráð hefur endanlega afgreitt tillögur hans um styrkveitingar það árið.

### 5. Skipan hóps og ábyrgðarmaður

Skipulags- og samgönguráð skipar vinnuhópinn. Hann skipa **xx** og **xx**, fulltrúar í skipulags- og samgönguráði, Sigrún Reynisdóttir frá embætti byggingarfulltrúa, Sólveig Sigurðardóttir frá embætti skipulagsfulltrúa og Alma Sigurðardóttir f.h. Borgarsögsusafns. Sólveig Sigurðardóttir er leiðtogi hópsins og skal hún sjá um að boða hann til fundar. Sólveig er jafnframt sað fulltrúi hópsins sem ber ábyrgð á eftirfylgni og að öll nauðsynleg gögn hafi borist umhverfis- og skipulagssviði áður en styrkir eru greiddir út, skv. reglum um hann og vísað er til hér að ofan.

Reykjavík, 5. janúar 2022

---

Sólveig Sigurðardóttir  
arkitekt / verkefnastjóri

*Drög að auglýsingu:*

## STYRKIR ÚR HÚSVERNDARSJÓÐI REYKJAVÍKURBORGAR 2022

Húsverndarsjóður Reykjavíkurborgar auglýsir eftir umsóknum um styrki til viðgerðar og endurgerðar á byggingum í Reykjavík sem hafa sérstakt varðveislugildi af listrænum eða menningarsögulegum ástæðum.

Eftirtaldar upplýsingar skulu koma fram í umsókn:

1. Lýsing á fyrirhuguðum framkvæmdum.
2. Tímaáætlun.
3. Kostnaðaráætlun. (Með sundurliðun ef um er að ræða umfangsmiklar framkvæmdir)
4. Ljósmynd af húsinu eins og það er nú og eldri ljósmynd ef hún er til.

Frekari upplýsingar eru veittar af Húsverndarstofu sem er með opinn símatíma á miðvikudögum kl. 15-17. Sími: 411 6333. Einnig má senda tölvupóst á [minjavarsla@reykjavik.is](mailto:minjavarsla@reykjavik.is).

Umsóknir eru eingöngu mótteknar á þar til gerðu eyðublaði sem er að finna á Rafrænni Reykjavík; <http://rafraen.reykjavik.is>.

Opnað verður fyrir aðgengi að umsóknum þann **XX.** janúar 2022, kl. 13:00, og lokað verður **XX.** febrúar 2022, kl. 23:59.

Vakin er athygli á því að styrkir sem úthlutað verður 2022 og verða ekki nýttir fyrir lok árs **2023** falla niður.